

CULLETTIVITÀ DI CORSICA

ASSEMBLEA DI CORSICA

2^{DA} SESSIONE URDINARIA DI U 2018
REUNIONE DI I 29 E 30 DI NUVEMBRE DI U 2018

N^U 2018/O2/089

MUZIONE CÙ DUMANDA D'ESAME PRIURITARIU

DEPOSITATA DA : U sgiò Paulu Santu PARIGI A NOME DI U GRUPPU
« FEMU A CORSICA »

OGHJETTU : NOMI DATI A E VIE È U PATRIMONIU CUSTRUTTU DI
L'ISULA

VISTU u Codice generale di e cullettività territoriale è i so articoli
L. 2121-29 è L. 2122-21 di l'alinea 5 ;

VISTU u partenariatu trà a Cullettività Territoriale di Corsica è l'Institutu
Nazionale di l'Infurmazione Geugrafica è furestiera (IGN) da arricchisce a tupunimia in
lingua corsa di e carte di l'isula, zifrata u 17 d'ottobre di u 2017 ;

CUNSIDERENDU chì u nome di una via, d'un edificiu o d'un locu publicu,
appartene à a competenze di u cunsigliu municipale (di sicuru quandu chì questu
appartene à una cumuna) ;

CUNSIDERENDU chì u nome datu à una via, un edificiu o un locu publicu
deve esse in leia cù l'interessu di u publicu locale ;

CUNSIDERENDU chì a tupunimia raprisenta un arnese d'identificazione
geugrafica, ma dinù una surgente di a memoria culletiva ;

CUNSIDERENDU chì a tupunimia hè un arnese trimendu in l'assestu di u
territoriu è in a so pulitica di gestione ;

CUNSIDERENDU chì i nomi di i lochi sò aspezzu significativi di
l'organisations oghjinca, d'una lettura o d'un puntu precisu d'un locu, d'un risultatu,
d'una reugjone, di a cupertura vegetale, di a prisenza d'acqua o di custruzioni, d'un
persunaggiu, d'un orientazione geugrafica o ancu di a prisenza d'un periculu ;

CUNSIDERENDU ch'ì i nomi di lochi d'origini (o tradiziunali) sò un'eredità culturale è linguistica è rapresentanu un elemente di primura di a nostra identità culletiva ;

CUNSIDERENDU ch'ì a maiò parte di i nomi di i lochi tradiziunali sò stati sguassati da nomi in leia cù a lingua Toscana o francese ;

CUNSIDERENDU ch'ì a perdita sana o in parte, di i nomi tradiziunali sò in rumpitura cù una tradizione seculare, quandu ch'ì, nanta sta terra sforzi sò fatti per mantene e so radiche, fendu chi ci alluntanemu torna a pena di più ;

CUNSIDERENDU ch'ì a tupunimia permette di mette in valore a storia è u patrimoniù culturale è naturale di l'isula, d'una cumuna o d'un territoriu ;

CUNSIDERENDU ch'ellu esiste tante persunalità ch'ì anu cuntribuitu à a storia è à a cultura di a nostra isula è ch'ì u fattu di dà o cambià nomi permetteria di valurizà li è rende li onore ;

CUNSIDERENDU ch'ì, certe vie, edifizii o lochi publichi portanu un nome a cichiciamera è ch'ellu ùn hà nissuna leia cù l'omi è e donne di sta terra ;

CUNSIDERENDU ch'ì u fattu di dà nomi a issi lochi in leia cù u territoriu è a so storia permette à i paisani di sviluppà un sintimu d'appartenenza più maiò ;

CUNSIDERENDU ch'ì rivene a certi nomi d'origine, cuntribuisce à dà fiatu à a lingua corsa ;

CUNSIDERENDU ch'ì in certe cumune di l'isula esistenu bastimenti, vie o lochi publichi ch'ì sò senza nomi ;

L'ASSEMBLEA DI CORSICA

DA IMPENGNU à u Presidente di u Cunsigliu Esecutivu d'insiste versu e sfarente Culletività per ch'elle dianu o cambiinu nomi di vie, edifizii o lochi publichi (ciucciaghje, sale, scole...etc) :

- cù nomi di donne o d'omi ch'ì anu cuntribuitu, d'una manera o da l'altra à u sviluppu o à a storia di l'isula,
- cù nomi prisenti in l'anziani cadastri, carti di a marina o venendu da a tradizione orale,
- cù nomi in leia cù u patrimoniù naturale di l'isula ;

DA IMPENGNU à u Presidente di u Cunsigliu Esecutivu per ch'ellu dumandi a e federazione di u BTP è a e Camere di Cumerciu di u Cismonte è u Pumonte d'insiste via i so aderenti per ch'elli impieghinu à l'avvene nomi in leia cù u patrimoniù naturale è culturale di a Corsica.